

Hrafnagaldur Odins

1. Alföþr orrkar,
alfar skilia,
Vanir vitu,
visa nornir,
elur Iviþia,
aldir bera,
þreya þussar,
þia valkyriur.

2. Ætlun Æsir
alla gatu,
verpir viltu
vettar rúnum.
Oðhrærer skylde
Urdar gejma,
mattkat veria
mest-um þorra.

3. Hverfur þvi hugur,
hinna leytar,
grunar guma
grand, ef dvelur;
þotti er *Þrains
þunga dramur,
Daens dulu
dramur þotti.

4. Dugir með dvergum.
Dvina heimar,
niþur at Ginnungs
niþi sakva;
opt Alsviþur
ofann fellir,
opt of follnum
aptur safnar.

5. Stendur ðva
strind ne raþull,
lopte með levi
linnir ei strami;
merum dylst i
Mimis brunne
vissa vera;
vitiþ enn eþa hvaþ?

6. Dvelur i dolum
dys forvitinn,
Yggdrasils fra
aski hniginn,
alfa ettar.

Þþune hetu
Ivaldz ellri
yngsta barna.

7. Eyrde illa
ofann komu,
hardbaþms undir
haldin meiþi;
kunne sist at
kundar Norva,
von at veri
vistum heima.

8. Sia sigtivar
syrgia nannu
viggjar at veom;
vargsbelg seldu,
let iferaz,
lyndi breytti,
lek at levisi,
litum skipte.

9. Valde Viþrir
vard Bifrastar
Giallar sunnu
gatt at fretta,
heims hvivetna
9r hvort er vissi;
Bragi ok Loptur
baru kvipu.

10. Galdur голу,
gandum riþu
Rognir ok reiginn
at rann heimis;
hlustar Opinn
Hlidskialfi i,
let brat vera
langa vegu.

11. Frá enn vitri
veiga selio
banda burþa
ok brata sinna,
Hlyrnis, Heliar,
heimz, ef vissi
artid, efi,
aldurtila.

12. Ne mun melti,
ne mal knatti
givom greiþa,
ne glam hialde;

tar af tindust
targum hiarnar,
eliun feldin
endur riþa.

13. Eins kiemur astann
ur Elivagum
þorn af *acri
þurs hrimkalda
hveim drepur drött-e<r>
Daen allar
meran of Miþgard
meþ natt hvoria.

14. Dofna þa daþir,
detta hendur,
svifur of svimi
sverþ Ass hvita,
rennir orvit
rygar *glygvi,
sefa sveiflum
sokn giorvallri.

15. Jamt þotti *Iorun
jolnum kominn
9v sollinn sutum,
svars er ei gatu;
*soktu þvi meir
ad *syn *var fyrir,
mun þo miþur
melgi dygþi.

16. For frumqvadull
fregnar brata,
hirdir at Herians
horni Giallar,
Nalar *nefa
nam til fylgiss;
greppur *Grimnis
grund vardveitti.

17. Vingolf toko
Viþars þegnar,
Forniotz sefum
fluttir baþir;
jþar ganga
Æsi kveþia
Yggjar þegar
viþ aulteite.

18. Heilan Hangaty
hepnastann Ása
virt ondveigis,

vallda bápu,
sela at sumbli
sitia dia,
e með Yggiongí
yndi halda.

19. Beckjar sett
*at Balverks rápi,
siot Sehrimni
saddist rakna;
Skagul at skutlum
skapt ker Hnikars
mat af miþi
minnis hornum.

20. Margs of fragu
maltid yfir
Heimdall ha goþ,
hargar Loka,
spar eþa spakmal
sprund ef kiende,
undorn oframm
unz nam *huma.

21. Illa letu
ordid hafa
erindis leysu
oflitol frega;
vant at vela
verþa mynde,
svo af svanna
svars ofgeti.

22. Ansar Omi,
allir hlyddu:
'Nott skal nema
nyreþa til,
hugsi til myrgins
hver sem orkar
raþ til leggja
rasnar Asum.'

23. Rann með rastum
Rindar moþir,
faþur lardur
Fenris valla
genko fra gilde;
goþinn kvoddu
Hropt ok Frygg,
sem Hrimfaxa for.

24. Dyrum settann
Dellings magur

jo framkeyrþi
*jarkna steinum;
mars of manheim
mon af gloar
dro leik Dvalins
drasull i reiþ

25. Jormungrundar
i *jodyr nyrðra
und rñt ytstu
adalþollar
genko til reckio
gygiur ok þursar,
nair, dvergar
ok dockalfar.

26. Risu racknar,
rann Alfraþull,
nordur ad *Niflheim
Niola sokte;
upp nam ar Gioll
Ulfrunar niþur
hornþyt valldur
Himin biarga.